



古蹟
地理

營平二州史事記一冊全

營平二州史事記卷上



東吳顧炎



唐

碣石 書夾石碣石入于河 傳曰碣石海畔山 疏曰

碣石在右北平驪城縣西南 史記索隱曰地理

志云大碣石山在右北平驪城縣西南 太康地理

志云樂浪遼城縣有碣石山 長城所起又云在遼

西臨渝縣南水中 蓋碣石山有二 此云夾石碣石

入于河 當非北平之碣石也

商

孤竹國 爾雅觚竹北戶 史記伯夷叔齊孤竹君之二子也 正義引括地志云孤竹古城在盧龍縣南十二里殷時諸侯孤竹國 漢書令支有孤竹城 應劭曰故伯夷國 魏書肥如有孤竹山祠 水經注元水又西南逕孤竹城北西入濡水案水經注言祠在山上城在山側肥如縣南十二里水之會也今孤竹城已無遺跡而祠在府城之西北三十里灤河之左洞山之陰夾河有孤竹君冢豈

魏之肥如治尚在其東北耶 又案孤竹始封於此北即今支南即黃維儉於百里而遼史云興中府本古孤竹國漢柳城之地則又在今祠東北五百餘里幅員之廣幾方千里矣豈殷末諸侯兼併而致之與隋裴矩又言高麗本孤竹國周以封箕子則恐逢君之指而為是說耳

首陽山 論語伯夷叔齊餓於首陽之下 說文首陽山在遼西論語注馬融曰首陽山在河東蒲坂華山之河北曲之中史記正義引曹大家註幽通

營平二州史事記卷一
賦云在隴西戴延之西征記云雒陽東北首陽山有夷齊祠今在偃師縣西北並引說文此語歷代祀典並在河東蒲坂為正義從馬融之說

黃雒城 遼州史灤州古黃雒城

周

山戎 春秋莊公三十年冬齊人伐山戎註曰山戎北狄史記齊世家山戎伐燕告急於齊齊桓公救燕遂伐山戎至於孤竹而還 白奴傳山戎越燕而伐齊齊釐公與戰於齊郊其後四十四年而止戎

伐燕燕告急於齊齊桓公北伐山戎山戎走胡三省通鑑注曰自漢北平無終白狼以北皆大山重谷諸戎居之春秋謂之山戎 郭造卿曰山戎北戎是二種自燕東北以外為遼西北以外為代遼後分為東西無非北伐地代後截為上谷無非山戎地而北戎為尤大故必平山戎而同許男以伐之

令支 國語桓公北伐山戎荆令支斬孤竹而南歸海濱諸夷莫不率服 史記齊世家北伐山戎

離支孤竹 集解曰地理志曰令支縣有孤竹城疑
離支即令支也令離聲相近應劭曰令音鈴鈴
離聲亦近管子亦作離字 索隱曰離支孤竹
皆古國名秦以離支為縣又案周書主會曰不
令支者令支也

卑耳山 國語懸車東馬踰太行與辟耳之谿
拘夏韋昭曰太行辟耳山名拘夏辟耳之谿
也三者皆山險谿谷鉤其車偪束其馬以度
也 史記齊世家登太行至卑耳山而還正義

曰卑音壁管子桓公二十八年征孤竹未至卑耳
之谿十里案卑耳與太行連屬為文據二書皆云
西伐而管子則云征孤竹或以此地為太行東北之
極境亦可通

燕 史記蘇秦傳說燕文侯曰南有碣石燕門之饒

碣石 史記匈奴傳七國時燕北有東胡山戎各分
長城 史記匈奴傳七國時燕北有東胡山戎各分
散居谿谷自有君長燕築長城自造陽至襄平
置上谷漁陽右北平遼西遼東郡以拒胡

秦
碣石 史記始皇紀三十二年始皇之碣石使燕人盧生求羨門高誓刻碣石門壞城郭決通隄防其辭曰遂興師旅誅戮無道為逆滅息武殄暴逆文復無罪庶心咸服惠論功勞賞及牛馬恩肥土域皇帝奮威德并諸侯初一秦平墮壞城郭決通川防夷去險阻地勢既定黎庶無繇天下咸撫男樂其疇女修其業事各有序惠被諸產久並來田莫不安所群臣誦烈請

刻此石垂著儀矩 二世元年東行郡縣到碣石並海而盡列始皇所立刻石石旁著大臣從者名長城 史記匈奴傳始皇帝使蒙恬將十萬之眾北擊胡悉收河南地因河為縣塞築四十四縣城臨河徙適戍以充之而通直道自九原至雲陽因邊山險澗谿谷可繕者治之起臨洮至遼東萬餘里正義曰括地志云秦隴西郡臨洮縣即今岷州城本秦長城首起岷州西十二里延袤萬餘里東入遼水案秦長城當在今大寧界內

漢

右北平郡 漢書秦置莽曰北順 水經注魏氏土地記曰薊城東北三百里有右北平城後漢書章懷太子注營川西南有右北平郡故城括地志漁陽郡東南七十里有右北平地 案史記匈奴傳燕置右北平郡不始於秦史但自秦分天下為三十六郡言之耳

平岡 右北平治魏志田疇傳舊北平郡治在平岡道出盧龍達於柳城通鑑注前漢右北平

郡治平岡縣後漢省平岡縣改治土垠縣

石城 見水經注

延陵 漢書莽曰鋪武

薊 漢書都尉治莽曰裒睦師古曰薊才私反 字 漢書榆水出東

白狼 漢書莽曰伏狄師古曰有白狼山故以名縣

魏志太祖紀建安十二年北征烏丸登白狼山水 經注遼水北屈逕白鹿山西即白狼山也

夕陽 漢書有鐵官莽曰夕陰 晉書慕容雲載

記封夕陰公魏官莽曰夕創晉書慕容皝載記石季

驪城漢書大碣石山在縣西南莽曰揭石師古曰

揭音桀

廣城漢書莽曰平虜晉書慕容皝載記石季

龍進陷廣城出東

聚陽漢書莽曰篤睦

平明漢書莽曰平陽

遼西郡漢書秦置杜佑曰漢遼西郡故城在盧龍

城東

且慮漢書有高廟莽曰鋤慮師古曰且子余反慮

音廬

海陽漢書龍鮮水東入封大水封大水緩虛水皆

南入海有鹽官史記功臣表海陽侯搖母餘

水經注魏土地記曰今支城南六十里有海陽城

新安平漢書夷水東入塞外

柳城遼西之縣漢書馬首山在西南參柳水北

入海西部都尉治後漢書趙苞傳遣使迎母

及妻子將至郡道經柳城注故城在今營州南

案後漢遼西郡治陽樂而苞母自甘陵來不當

經柳城未詳公孫瓚傳瓚深入無繼及為丘

力居等所圍於遼西管子城二百餘日糧盡眾

潰士卒死者十五六虜亦飢困遠走柳城

令支漢書有孤竹城莽曰令氏亭應劭曰故伯

夷國令音鈴孟康曰支音祗

肥如漢書玄水東入濡水濡水南入海陽又有

盧水南入玄莽曰肥而應劭曰晉滅肥肥子

奔燕燕封於此史記功臣表肥如侯蔡寅

荆燕世家燕王定國殺肥如令郢人

賓徒漢書莽曰勉武

交黎漢書渝水首受塞外南入海東部都尉治

莽曰禽虜應劭曰今昌黎師古曰渝音喻

陽樂水經注魏氏土地記曰海陽城西南有陽

樂城

狐蘇漢書唐就水至徒河入海

徒河漢書莽曰河福

文成漢書莽曰言虜

臨渝 漢書渝水首受白狼東入塞外又有侯水
北入渝莽曰馮德 師古曰馮讀曰憑

系 漢書下官水南入海又有揭石水賓水皆南入
官莽曰選武 師古曰系力追反

碣石 漢書武帝紀元封元年夏上東巡海上至
碣石自遼西歷北邊九原歸於甘泉 文穎曰

碣石在遼西系縣系縣今罷屬臨渝此石著海
旁

後漢

遼西郡 後漢志雄陽東北二千三百里

陽樂 闕文 城至陽樂翰因鎮徒河壁青山 闕文

陽樂在今平州東

肥如 後漢書和帝紀永元九年秋八月鮮卑寇

肥如注故城在今平州 劉虞傳前中山相

張純等反衆至十餘萬屯肥如

臨渝 後漢志山海經曰碣石之山繩水出焉其上

有玉其下多青碧水經曰在縣南郭璞曰或云

在右北平驪城縣海邊山也

盧龍塞 三國志魏太祖紀建安十二年春北征烏桓夏五月至無終秋七月大水傍海道不通田疇請為嚮導公從之引軍出盧龍塞塞外道絕不通乃鑿山堙谷五百餘里八月登白狼山卒與虜遇衆甚盛公車重在後被甲者少左右皆懼公登高望虜陣不整乃縱兵擊之使張遼為先鋒虜衆大崩斬蹋頓及名王已下胡漢降者二十餘萬口田疇傳隨軍次無終時方夏雨水而濱海洿下滯滯不

通虜亦遮守蹊要軍不得進太祖患之以問疇疇曰此道秋夏每常有水淺不通車馬深不載舟船為難久矣舊北平郡治在平岡道出盧龍達於柳城自建武以平陌壞斷絕垂二百載而尚有微徑可從今虜將以大軍當由無終不得進而退懈弛無備若嘿回軍從盧龍口越白檀之險出空虚之地路近而便掩其不備蹋頓之首可不戰而禽也太祖曰善乃引軍回而署大木表於水側路旁曰方今暑夏道路不

通且俟秋冬乃復進軍虜候騎見之誠以為
大軍去也太祖令疇將其眾為鄉導上徐無
山出盧龍歷平岡登白狼堆去柳城二百餘里
虜乃驚覺單于身自臨陣太祖與交戰遂
大斬獲追奔逐北至柳城 通鑑注曰前漢右
北平郡治平岡縣後漢省平岡縣改治土垠
縣杜佑曰盧龍在今平州城西北二百里 又曰
此時鮮卑庭已在右北平郡界蓋慕容廆之
先也

肥如 晉書慕容廆載記帝遣幽州諸軍討廆戰
於肥如廆眾大敗 慕容熙載記大城肥如及
宿軍以尚書劉木為鎮南大將軍冀州刺史鎮
肥如 地理志高雲以幽冀二州牧鎮肥如 魏書
馮弘傳黜世子崇鎮肥如
海陽 通鑑海陽令平翰

令支 晉書慕容廆載記段末波初統其國而
不備豫廆遣甄龍襲之入令支收其名馬寶物
而還 通鑑注令支縣漢為遼西郡晉省段氏

據之為國都杜佑曰今北平郡盧龍縣即其地
通鑑晉明帝太寧三年慕容廆與段氏方睦為
段牙謀使之徙都牙從之即去令支 慕容皝
載記石季龍至徐無段遼奔密雲山虎進入令
支 石季龍載記以李農為使持節監遼西
北平諸軍事征東將軍營州牧鎮令支 通
鑑注趙置營州省遼西北平二郡 通鑑晉康
帝建元元年趙王虎命段蘭帥所部鮮卑五
千人屯令支 慕容垂載記徐巖叛李朗留

慕容農攻克之 慕容盛載記徐巖叛李朗留
其子養守令支躬迎魏師於北平李旱候知之
襲克令支遣廣威將軍孟廣平率騎追朗及
於無終斬之 慕容熙載記以上庸公懿為鎮西
將軍幽州刺史鎮令支 魏書太祖紀慕容熙
遣將寇遼西虎威將軍宿沓干等拒戰不利
棄令支而去 水經注濡水又東南逕盧龍塞塞
道自無終縣東出渡濡水向林蘭陁東至清陁
盧龍之嶮峻坂縈折故有九崢之名矣燕景昭

元璽二年遣將軍步渾治盧龍塞道焚山刊石令通方軌刻石嶺上以紀事功其銘尚存按盧龍東越清陁至凡城二百許里自凡城東北出超平岡故城可八十里向黃龍則五百里

盧龍城 水經注濡水又東南逕盧龍故城東漢建安十二年魏武征蹋頓所築也

魏

碣石 晉書宣帝紀魏明帝景初二年討公孫淵進師經孤竹越碣石次於遼水

晉

遼西郡 晉書惠帝紀太安二年封鮮卑段勿塵為遼西公 段匹磾傳自勿塵以後值晉喪亂自稱位號據有遼西之地而臣御晉人其地西盡幽州東界遼水所統胡晉可三萬餘家控弦可四五萬騎 慕容皝載記前軍帥慕容評敗石季龍將石成等於遼西 通鑑晉成帝咸康五年趙王虎以遼西迫近燕境數遭攻襲乃悉徙其民於冀州之南

陽樂 通鑑晉愍帝建興元年鹿遣慕容翰
攻段氏取徒河新利棄令支而還

幽州即今支 晉書慕容盛載紀魏襲幽州執刺
史盧溥而去

漂渝津 晉書石季龍載紀以桃豹為橫海將
軍統舟師十萬出漂渝津伐段遼

安樂城 晉書石季龍載紀石季龍將討慕容
皝具船萬艘自河通海運穀豆千一百萬斛
於安樂城 通鑑晉穆帝永和元年趙王虎

使征東將軍鄧恒將兵數萬屯樂安治攻具
為取燕之計 水經注濡水東南過遼西海陽
縣又經故城南分為二水北水謂之小濡水東逕
樂安亭北東南入海濡水東南流逕樂安亭
南東與新河故瀆合魏太祖征蹋頓所道也
三陘 通鑑晉穆帝永和六年慕容霸軍至三陘
趙征東將軍鄧恒惶怖焚倉庫棄樂安遁
去 注魏收地形志海陽縣有橫山蓋即三陘
之地

蹋頓城 晉書石季龍載記季龍謀伐昌黎遣曹
伏將青州之衆渡海成蹋頓城無水而還因成於
海島運穀三百萬斛以給之隋書煬帝紀右第
七軍可蹋頓道

臨渝 通鑑晉安帝義熙十年燕王跋之宗族猶
在長樂河間褚匡請往迎之跋曰道路數千里復
隔異國如何可致匡曰章武郡臨海舟楫可通
出於遼西臨渝不為難也跋許之以匡為遊擊
將軍中書侍郎厚資遣之匡與跋從兄買從
弟睹自長樂率五千餘戶歸於和龍

盧溥鎮 晉書地理志自幽州至於盧溥鎮以南
地入於衛魏 案魏書太祖紀范陽人盧溥聚衆
海濱稱使持節征北大將軍幽州刺史攻掠郡
縣殺幽州刺史封沓於此或其遺址也

平岡 晉書成帝紀咸康四年二月石虎帥衆十萬
擊段遼於遼西遼奔於平岡 慕容皝載記遣
揚威將軍淑虞攻烏丸悉羅侯於平岡

盧龍塞 晉書慕容儁載記儁率三軍南伐出自

盧龍次於無終 魏書慕容儁傳鑿山除道入自
盧龍克薊城而都之 通鑑晉穆帝永和五年趙
王虎卒國內大亂慕容霸上書燕主儁請伐趙
平儁曰鄴中雖亂鄧恒據樂安兵強糧足今若伐
趙東道不可由也當由盧龍盧龍山徑險狹虜
乘高斷要首尾為患將若之何霸曰恒雖欲為
石拒守其將士顧家人懷歸志若大軍臨之自
然瓦解臣請為殿下前驅東出徒河潛趨令
支出其不意彼必震駭上不過閉門自守下不

免棄城逃潰然則殿下可以安步而前無留難矣
儁從之 六年二月燕主儁使慕容霸將兵二
萬自東道出徒河慕容輿子自西道出蠕蠕塞
儁自東中道出盧龍塞以伐趙命慕容輿塗槎
山通道 水經注燕景昭元璽二年遣將軍步
渾治盧龍塞道焚山刊石令通方軌刻石嶺
上以紀事功 通鑑晉安帝隆安元年清河王會
使征南將軍庠偁官偉達威將軍餘崇將
兵五千為前鋒偉等頓盧城近百日 注遼東

新昌縣有盧龍縣唐為平州盧龍縣慕容令所謂守肥如之險即其地也此遼東新昌後人置於漢遼西郡界非漢舊郡縣地也

蠕螭塞 晉書慕容皝將圖石氏從容謂諸將

曰石虎自以安樂諸城守防嚴重薊城南北必不設備今若詭路出其不意薊之北土盡可破也

於是率騎二萬出蠕螭塞長驅至於薊城 通

鑑注自龍城取西道入蠕螭塞 通鑑晉孝武

太元十年燕主垂遣慕容農出蠕螭塞歷凡

城趨龍城討餘巖

平州 晉書地理志後漢末公孫度自號平州牧及其子康康子文懿並擅據遼東東夷九種皆服事焉魏置東夷校尉居襄平而分遼東昌黎莒菟帶方樂浪五郡為平州後還合為幽州及文懿滅後有護東夷校尉居襄平咸寧二年十月分昌黎遼東莒菟帶方樂浪等郡國五置平州平州初置以慕容廆為刺史永嘉之亂廆為衆為推及其孫儁移都於薊其後慕容垂子

寶又遷於和龍自幽州至於盧溥鎮以南地入於
魏慕容熙以幽州刺史鎮令支青州刺史鎮新
城并州刺史鎮凡城營州刺史鎮宿軍平州
刺史鎮肥如高雲以幽冀二州牧鎮肥如并州刺
史鎮白狼後為馮跋所篡跋僭號於和龍滅於魏
昌黎郡 晉書地理志漢屬遼東屬國都尉魏置
郡統縣二 通鑑注昌黎漢交黎縣屬遼西郡後
漢屬遼東屬國都尉魏正始五年鮮卑內附
復置遼東屬國立昌黎縣以居之後立昌黎郡

武帝紀太康二年十月慕容廆寇昌黎 三年
三月安北將軍嚴詢敗慕容廆於昌黎 康帝
紀建元二年二月慕容皝及鮮卑帥宇文歸戰
於昌黎歸衆大敗奔於漠北 慕容廆載記
元帝承制拜廆散騎常侍都督遼左雜夷
流人諸軍事龍驤將軍大單于昌黎公 慕
容皝載記皝將乘海討其弟仁乃率三軍從
昌黎踐凌而進 徙昌黎郡

賓徒 晉書曰吳王晏傳貶為賓徒縣王 慕容

營平二州史記卷一
垂載記苻堅以為冠軍將軍封賓都侯通鑑
作賓徒

紫蒙川 晉書慕容廆載記其先有熊氏之苗裔
世居北夷邑於紫蒙之野

棘城 晉書慕容廆載記曾祖莫護跋魏初帥其
諸部入居遼西從宣帝伐公孫氏有功拜率義王
始建國於棘城之北 通鑑注棘城在昌黎縣界
是後慕容氏置棘城縣元魏太平真君八年
併棘城入昌黎郡龍城縣杜佑曰棘城在營州

城東南一百七十里廆以大棘城即帝顓頊之墟也
元康四年乃移居之 素延率衆十萬圍棘

城 平州刺史崔苾陰結高句驪及宇文段
國等共攻棘城連營三十里 慕容皝載記石
季龍進軍至棘城戍卒數十萬四面進攻

文昌殿 晉書慕容皝載記起文昌殿

朝陽門 晉書慕容皝載記立藉田於朝陽東
門東案當在棘城

徒河 晉書慕容廆載記太康十年廆遷於徒河

之青山通鑑注徒河縣漢屬遼西後漢屬遼東
屬國魏晉省併入昌黎郡後慕容氏復置徒
河縣魏太平真君八年併徒河入昌黎郡廣興
縣杜佑曰徒河青山在營州城東百九十里
慕容皝載記段遼寇徒河皝將張萌逆擊
敗之慕容垂載記石季龍遣將鄧恒率衆
數萬屯於樂安營攻取之備垂成徒河與恒相
持

柳城 晉書慕容皝載記段遼弟蘭與皝兄翰

寇柳城都尉石琮擊敗之旬餘蘭翰復圍柳城
皝遣寧遠將軍慕容汗及封奕等救之為
蘭所敗蘭復攻柳城為飛梯地道圍守二旬
石琮躬勤將士出擊敗之蘭乃遁歸

龍城 晉書慕容皝載記使陽裕唐柱等築龍
城構宮廟改柳城為龍城縣 通鑑晉成帝
咸康七年正月燕王皝使唐國內史陽裕等
築城於柳城之北龍山之西立宗廟宮殿命
曰龍城 慕容廆居徒河之青山後徙煉城今

自棘城徙都龍城杜佑曰營州柳城郡古孤竹國也春秋為山戎肥子二國地慕容氏龍城在其北柳城縣有白狼山白狼水又有扶縣故城在南其龍山即慕容皝祭龍所也有饒樂水漢徙河縣城八年十月燕王皝遷都龍城時有黑龍白龍各一見於龍山皝親屬率僚屬覘之去龍二百餘步祭以太牢二龍交首嬉翔解角而去皝大悅還宮赦其境內號新宮曰和龍立龍翔佛寺於山上

慕容暉載記慕容桓率鮮卑五千退保和龍苻堅載記遣後將軍俱離與鄧羌等率步騎二十萬東出和龍討代王涉翼犍苻雄率衆七萬發和龍使石越率騎一萬自東萊出石遼襲和龍海行四百餘里慕容垂載記慕容農還屯龍城通鑑晉孝武太元十年燕王垂以農為使持節都督幽平二州北狄諸軍事幽州牧鎮龍城晉書慕容垂載記建留臺於龍城以高陽王隆錄留臺尚書事慕容寶載記垂

之伐魏以龍城舊都宗廟所在復使寶庶子清和公會鎮幽州委以東北之重寶帥百數騎馳入龍城慕容盛載記慕容竒張引軍至橫溝去龍城十里

和龍 魏書世祖記延和元年車駕至和龍臨其城發民三萬人穿圍塹以守之二年遣撫軍大將軍永昌王健尚書左僕射安原督諸軍討和龍三年撫軍大將軍永昌王健司空汝陰公長孫道生侍中古弼督諸軍討和龍 太延

元年詔驃騎大將軍樂平王丕等五將率騎四萬伐和龍

正陽殿 晉書慕容儁載記燕巢於儁正陽殿之西

椒 新昌殿 晉書慕容盛載記宴其群臣於新昌殿承華殿 晉書慕容熙載記為苻氏起承華殿高承光一倍負土於北門土與穀同價

和光門 晉書慕容熙載記擬鄴之鳳陽門作和光門累級三層 通鑑晉安帝義熙三年馮跋

營平三州史事諸君一
等與左衛將軍張興及苻進餘黨作亂推夕陽
公雲為主跋弟乳陳等帥衆攻弘光門鼓噪而
進 五年離班桃仁等弒燕主雲馮跋升洪光門
以觀變案當作弘光門

龍騰苑 晉書慕容熙載記大築龍騰苑廣袤
十餘里役徒二萬人起景雲山於苑內基廣五
百步峯高十七丈又起逍遙宮甘露殿連房數
百觀閣相交鑿天河渠引水入宮又為其昭儀
苻氏鑿曲光海清涼池熙至龍城攻北門不克

遂敗走入龍騰苑微服隱於林中

景雲山 逍遙宮 甘露殿 天河渠 曲光海 清涼池

上并見

白雀園 晉書慕容盛載記有雀素身綠首集於
端門栖翔東園二旬而去改東園為白雀園

大單于臺 晉書慕容熙載記改北燕臺為大
單于臺

社 晉書慕容寶載記就之遷於龍城也植松為
社主及秦滅燕大風吹拔之後數年社處忽有

桑二根生焉先是遼川無桑及虜通於晉求種江南平州桑志由吳來虜終而垂以吳王中興寶之將敗大風又拔其一

龍陵 通鑑晉穆帝升平四年燕葬烈祖於龍陵

慕容儁號烈祖

宣平陵 通鑑晉孝武太元二十一年燕章武王宙

奉世祖及成哀段后之喪葬於龍城宣平陵慕容

容垂號世祖

徽平陵 晉書慕容熙載記苻氏死制公卿已不

至於百姓率戶營墓費殫府藏下錮三泉周輪數

里內則圖畫尚書八坐之象號曰徽平陵

長谷陵 魏書馮跋傳跋父安東徙昌黎家於長谷

通鑑宋文帝元嘉七年燕葬太祖於長谷陵馮跋

號太祖

凡城 晉書石季龍載記平北將軍尹農攻燕凡

城不克而還 慕容皝載記遣子恪擊于敗石季

龍乘勝追之斬獲三萬餘級築成凡城而還季龍

又使石城入攻凡城進陷廣城 慕容儁載記徙代

郡人於凡城 凡城獻異鳥五色成章 地理志慕容熙以并州刺史鎮凡城 魏書世祖記延和二年將軍樓勃將五千騎圍凡城守將封羽以城降收其民三千餘家

白狼 晉書石虎載記自幽州東至白狼大興屯田 通鑑注白狼縣漢屬北平郡後漢晉省魏收地形志太平真君八年置建德郡治白狼城其地在唐營州柳城縣界 慕容皝載記皝遣其司馬封奕攻鮮卑木堤於白狼 慕容盛載記

蘭汗二子魯公和陳公楊分屯令支白狼 地理志高雲以并州刺史鎮白狼 通鑑作并州牧 通鑑晉安帝義熙六年燕廣川公萬泥上谷公乳陳據白狼叛 通鑑宋文帝元嘉十三年魏人攻燕白狼城克之

宿軍 晉書地理志慕容熙以營州刺史鎮宿軍 通鑑注宿軍城在龍城東北 慕容熙載記大城肥如及宿軍以仇尼倪為鎮東將軍營州刺史鎮宿軍 通鑑晉安帝元興元年高句

麗攻宿軍平州刺史慕容歸棄城走案當作營州魏書馮和傳宿軍地然一夕而滅

新城晉書地理志慕容熙以青州刺史鎮新城乙連城晉書慕容皝載記材官劉佩攻乙連不克通鑑注乙連城段國之東境也在曲水之西築好城於乙連東使將軍蘭勃成之以逼乙連又城曲水以為勃援通鑑晉成帝咸康三年段遼以車數千兩輸乙連粟蘭勃擊手而取之慕容寶載記寶發龍城以步騎三萬

次於乙連慕容盛載記慕容奇擊滅蘭汗兄子全進屯乙連通鑑晉安帝義熙十四年魏長孫道生等拔乙連城進攻和龍

建安通鑑晉安帝隆安二年燕主寶北行至建安抵民張曹家注建安城在今支之北乙連之南晉書慕容盛載紀慕容奇聚衆於建安遼西太守李朗叛遣輔國將軍李旱率騎討之師次建安召旱旋師

北平郡通鑑晉孝武太原元十六年北平人吳柱

聚眾千餘立沙門灑長為天子破北平郡轉
寇廣都入白狼城高陽王隆遣安昌侯進將
百餘騎趨白狼城柱眾潰窮捕斬之 注魏
書地形志廣都縣屬建德郡在漢右北平白
狼縣隋省入遼西石城縣

石城郡 見下

石城縣 通鑑晉安帝隆安元年燕主寶帥數百騎
馳二百里晡時至龍城會遣騎追至石城不及
注石城縣漢屬北平郡後魏屬建德郡隋併

入柳城縣 晉書慕容熙載記石城令高和

建德郡 魏書世祖紀馮弘石城太守李崇建德太
守王融十餘郡來降 撫軍大將軍王健永昌
王健攻建德拔之

冀陽郡 晉書慕容廆載記時二京傾覆幽冀
淪陷廆刑政修明虛懷引納流亡士庶多襁負
歸之廆乃立郡以統流人冀州人為冀陽郡通
鑑注常置於漢右北平平岡縣界 豫州人為
成周郡青州人為營丘郡并州人為唐國郡

通鑑晉成帝咸康四年冀陽流寓之士共殺太守宋燭以降趙 魏書世祖紀徙營邱成周遼東

樂浪帶方玄菟六郡民三萬家於幽州 水經

注渝水又南逕營邱城西

成周郡 通鑑成周内史崔燾

唐國郡 通鑑唐國內史陽裕

遼東郡 晉書慕容廆載記廆率騎討鮮卑素

連木津大敗斬之二郡悉降徙之棘城立遼

東郡而歸

樂浪郡 通鑑晉成帝咸康四年樂浪太守鞠

彭以境內皆叛選鄉里壯士二百餘人共還棘

城 注樂浪非漢古郡地也慕容廆所置以五

代志考之樂浪冀陽營丘郡朝鮮武寧等縣

當盡在隋遼西郡柳城縣界

玄菟郡 通鑑玄菟太守劉佩

興集縣 寧集縣 興平縣 育黎縣 吳縣 晉

書慕容皝載記罷成周冀陽營邱等郡以

勃海人為興集縣 河間人為寧集縣廣平魏郡

人為興平縣東萊北海人為育黎縣吳人為吳縣悉隸燕國

武原縣 通鑑武原令當霸

營平二州史事記卷下

東吳 顧爰武 寧人

武寧縣 通鑑武寧令孫興

朝鮮縣 通鑑朝鮮令孫泳

新昌縣 晉書載記韓恒傳出為新昌令

和陽縣 武次縣 西樂縣 晉書慕容皝載記斬

仁所置守宰分徙遼東大姓於棘城置和陽武次

西樂三縣而歸

榼盧城 通鑑晉成帝咸康四年燕王皝以榼盧城

大人悅縮為禦難將軍授兵一千使守凡城 注
即水經注榼倫水也

榆陰城 安晉城 晉書慕容皝載記宇文乞得

龜為其別部逸豆歸所逐奔死於外皝率騎討

之逸豆歸懼而請和遂築榆陰安晉二城而還

通鑑注榆陰城乃在大榆河之陰安晉城在威德

城西南 宇文歸入寇安晉 又見曲水亭下

威德城 晉書慕容皝載記改涉奕干城為威德

城 通鑑晉海西公太和五年慕容令帥謫戍士

東襲威德城

廣安 通鑑晉成帝咸和八年慕容皝引兵討宇文

乞得龜軍於廣安 注廣安在棘城之北

武興 晉書慕容皝載記段遼遣其將李詠夜襲

武興遇雨引還

興國 見五官水下

臨川 通鑑宋文帝元嘉十三年高麗屯於臨川

注臨川在和龍城東

曲水亭 晉書慕容皝載記段蘭擁眾數萬屯

於曲水亭將攻柳城宇文歸入寇安晉為蘭聲
援說以步騎五萬擊之師次柳城蘭歸皆遁遣
封奕率輕騎追擊敗之收其軍實館穀二旬而
還謂諸將曰二虜恥無功而歸必復重至宜於
柳城左右設伏以待之遣封奕帥騎輕潛於馬
兜山諸道俄而遼騎果至奕夾擊大敗之斬其將
崇寶 又見乙連下

馬兜山 見曲水亭下

過陘山 晉書載記丹閔傳閔既至龍城斬於過

陘山山左右七里草木皆枯

九城山 晉書隱逸傳公孫鳳隱於昌黎之九城山谷

青嶺 晉書慕容熙載記苻后好游田熙從之北登
白鹿山東過青嶺南臨滄海士卒為豺狼所害及
凍死者五千餘人

牛尾谷 通鑑晉成帝咸和九年慕容汗與段蘭
遇於牛尾谷汗兵大敗

黃榆谷 晉書慕容寶載記寶奔於廣都黃榆谷
索莫汗陘 通鑑晉安帝隆安二年燕主寶至索

莫汗陁去龍城四十里

饒樂水 後漢書鮮卑傳以季春月大會於饒樂

水上 注水在今營州北

澆水 通鑑晉明帝大寧三年宇文乞得歸據澆

水以拒氐 注澆水即澆維水也

渾水 晉書慕容皝載記涉奕于率騎追戰於渾

水敗之

五官水 晉書慕容皝載記段遼遣將屈雲攻興國

與氐將慕容遵大戰於五官水上雲敗斬之

羌胡固 魏書世祖記馮弘尚書高紹率萬餘家

保羌胡固車駕討紹斬之

魏

平州 魏書地形志晉置治肥如城 肅宗紀熙平二

年九月城平州所治肥如

遼西郡 魏書世祖紀延和元年馮弘長樂公崇及

其母弟朗弟邈以遼西內屬弘遣將封羽圍

遼西二年撫軍大將軍王健督諸軍救遼西

肥如 魏書地形志二漢晉屬有孤竹山祠揭石武

王祠今支城黃山濡河晉屬本在竹山師斷可友

陽樂 魏書地形志二漢晉屬太平真君七年併令

支合資屬焉有武歷山覆舟山林榆山太真山合

資二字未詳漢右北平有薺縣疑即薺字之誤

海陽 魏書地形志二漢晉屬有橫山新婦山清水

北平郡 魏書世祖紀慕容渴悉隣反於北平攻破

郡治太守與守將擊敗之

朝鮮 魏書地形志二漢晉屬樂浪後罷延和

元年徙朝鮮民於肥如復置屬焉

新昌 魏書地形志前漢屬涿後漢晉屬遼東後

屬有盧龍山案前漢涿郡有新昌去遼東絕

遠後漢志遼東郡新昌下亦不言故屬涿蓋名

同而地異魏史誤也

黃山 魏書高宗紀太安三年十月詔太宰常英起

行宮於遼西黃山四年正月東巡平州庚午至於

遼西黃山宮游晏數日親對高年勞問疾苦

常英傳英之微也夢日墜其所居黃山下水中

碣石山 魏書高宗紀太安四年二月丙子登碣石

石山觀滄海大饗群臣於山下班賞進爵各有
差改碣石山為樂遊山築壇紀行於海濱世宗
紀自碣石至於劔閣東西七千里置二十二都尉
又見濡水下水經注

濡水 魏書太祖紀泰常元年庫儻官斌先降後
復叛歸馮跋驍騎將軍延普渡濡水討破之世祖
紀延和元年車駕伐和龍至濡水 水經注濡水
出禦夷鎮東南其水二源雙引夾山西北流出山
合成一川又西北逕禦夷故城東鎮北百四十里

北流左則連淵水注之水出故城東西北流逕故城
南又西北逕涿水池南池水淵而不流其水又西屈
而北流又東逕故城北連結兩沼謂之連淵浦又東北
注難河難河右則汙水注焉水出東塢南西北流
逕沙野南北人名之曰沙野鎮東北二百三十里西
北入難河濡難聲相近狄俗語訛耳濡水又北逕
沙野西又北逕箕安山東屈而東北流逕沙野北
東北流逕林山北水北有池潭而不流濡水又
東北流逕孤山南東北流呂泉水注之出水出呂

泉塢西東南流屈而東逕塢南東北流三泉水注之其淵三泉鴈次合為一水鎮東北四百里東南注呂泉水呂泉水又東逕孤山北又東北逆流水注之水出東南導泉西流右屈而東北注木林山水會之水出山南東注逆水亂流東北注濡河濡河又東盤泉入焉水自西北東南流注濡河濡河又東南水流迴曲謂之曲河鎮東北三百里又東出峽入安州界東南流逕漁陽白檀縣故城又東南流右與要水合出水塞外三川並導謂

之大要水東南流逕要陽縣故城東又東南流逕白檀縣東南流入於濡濡水又東南索頭水注之水北出索頭川南流逕廣陽僑郡西魏分右北平置今安州治又南流注於濡濡水又東南流武列水入焉其水三川派合西源右為溪水亦曰西藏水東南流出溪與蟠泉水合泉發州東十五里東流九十里東注西藏水西藏水又西南流東藏水注之水出東溪一曰東藏水西南流出谷與中藏水合水導中溪南流出谷南注東藏水故目其

川曰三藏川水曰三藏水東藏水又南右入西藏水亂流右會龍泉水水出東山下淵深不測其水西南流注於三藏水三藏水又東南流與龍莠水合西出於龍莠之西溪東流入三藏水又東南流逕武列溪謂之武列水東南歷石挺下挺在層巒之上孤石雲舉臨崖危峻可高百餘仞其水東合流入濡濡水又東南五渡水注之水北出安樂縣丁原山南流逕其縣故城西本三會城也其水南入五渡塘又南流注於濡濡水又與高石水合水

東出安樂縣東山西流歷三會城南西入五渡川下注濡水濡水又東南逕盧龍塞塞道自五終縣出渡濡水向林蘭陁東至清陁盧龍之險峻坂縈折故有九崢之名矣濡水又東南逕盧龍故城東又南黃洛水注之水北出盧龍山南流入於濡濡水又東南洛水合焉水出盧龍塞西南流注濡水又屈而流得會潤水又會敖水二水並自盧龍西注濡水又東南流逕今支縣故城東魏氏土地記曰肥如城西十里有濡水南流逕孤竹城西右合元水世謂之小

濡水非也水出肥如縣東北元溪西南流逕其縣東東屈南轉西迴逕肥如縣故城南俗又謂肥如水西南流右會盧水水出縣東北沮溪南流謂之大沮水又南左合陽樂水水出東北陽樂縣溪又西南入於沮水謂之陽口沮水又西南小沮水注之水發冷溪世謂之冷池又南得溫泉水口水出東北溫溪自溪西南流入於小沮水小沮水又南流與大沮水合而為盧水也盧水有二渠號小沮大沮合而入於元水又南與溫水合水出肥如城北西流注於元水地理

志曰盧水南入沅水元水又西南逕孤竹城北西入濡水故地理志曰元水東入濡蓋自東而注也濡水自孤竹城東南逕西鄉北欽溝水注之水出城東南東流注濡水濡水又逕故城南分為二水北水支出世謂之小濡水也東逕樂安亭北東南入海濡水東南流逕樂安亭南東與新河故瀆合瀆自雍奴縣承鮑丘水東出謂之藍閼口魏太祖征蹋頓與洵口俱導也世謂之新河矣陳壽魏志云以通海也新河又東北絕庚水又東北出逕右北平絕洵渠之水又東北

逕昌城又東分為二水枝瀆東南入海新河自枝渠東出合封大水謂之交流口水出新安平縣西南流逕新安平縣故城西又東南流龍鮮水注之水出縣西北世謂之馬頭水二源俱導南合一川東流注封大水地理志曰龍鮮水東入封大水者也亂流南會新河南流於海地理志曰封大水於海陽縣南入海新河又東出海陽縣與緩虛水會水出新安平縣東北世謂之大籠川東南流逕令支城西西南流與新河合南流注於海地理志曰緩虛水與封大水皆

南入海新河又東與素河會謂之白水口水出令支縣之南山南合新河又東南入海新河又東至九過口水枝分南注海新河又東逕海陽縣故城南又東與清水會水出海陽縣東南流逕海陽城東又南合新河又南流十許里西入九過注海新河東絕清水又東木究水出焉南入海新河又東左迤為北陽孤淀淀水又右絕新河注南海新河又東會於濡濡水又東南至系縣碣石山地理志曰大碣石山在右北平驪城縣西南漢武帝嘗登之以望巨海而勒其石於此今枕

海有石如甬道數十里當山頂有大石如柱形往往而見立於巨海之中潮水大至必隱及潮波退不動不沒不知深淺世名之天橋柱也狀若人造要亦非人力所就韋昭亦指此以為碣石也濡水於此南入海盧龍塞 魏書常景傳杜維周反於燕州以景兼尚為行臺與幽州都督平北將軍元譚禦之景表求勒幽州諸縣悉入古城山路有通城之處全權發兵夫隨宜置戍以為防遏肅宗從之別勅譚西至軍都關北從盧龍塞據此二嶮以杜賊出入之路又詔景

山中嶮路之處悉令捍塞

營州 魏書地形志治和龍城太延二年為鎮真君五年改置永安末陷天平初復 肅宗紀熙平二年九月城營州所治和龍

昌黎郡 魏書地形志晉分遼東置真君八年併冀陽屬焉

城龍 魏書地形志真君八年併柳城昌黎棘城屬焉有堯祠榆頰城狼水

廣興 魏書地形志真君八年併徒河水樂燕昌屬焉

有鷄鳴山石城大柳城

定荒 魏書地形志正光末置有鹿頭山松山

建德郡 魏書地形志真君八年置治白狼城

石城 魏書地形志前漢屬右北平後屬真君八年

併遼陽路大樂屬焉有白鹿山祠

廣都 魏書地形志真君八年併白狼建德望平屬

焉有紫金城

陽武 魏書地形志正光末置有三合城

冀陽郡 魏書地形志真君八年併昌黎武定五年復

平剛

柳城

營丘郡 魏書地形志正光末置

富平 魏書地形志正光末置

永安 魏書地形志正光末置

長城 魏書長孫陳傳為羽林郎征和龍賊自西

門出將犯外圍陳擊退之追斬至長城下

渝水 白狼水 水經注遼水右會白狼水水出右北平

白狼縣東南西北流西北屈逕廣城縣故城南俗謂之

廣東都城又西北石城川水注之水出西南石城山東
流涇石城縣故城南北屈涇白鹿山西即白狼山也又東
北入廣城縣東注白狼水白狼水北涇白狼縣故城
東又東方城川水注之水發源西南山下東流北屈
涇一故城西世謂之雀目城東屈涇方城北東入白狼
水白狼水又東北涇昌黎縣故城西高平川水注之
水出西北平川東流涇倭城北又東南涇乳樓城北
蓋涇戎鄉邑兼夷稱也又東南注白狼水白狼水又
東北自魯水注之水導西北遠山東南注白狼水

白狼水又東北涇龍山西燕慕容皝以柳城之北龍
山之南福地也使陽裕築龍城改柳城為龍城縣白
狼水又北涇黃龍城東十三州志曰遼東屬國都尉
治昌遼道有黃龍亭者也魏營州刺史治魏土地
記曰黃龍城西南有白狼河東北流附城東北下
即是也又東北濫真水出西北塞外東南歷重山
東南入白狼水白狼水又東北出東流分為二水右
水疑即渝水也地理志曰渝水首受白狼水西南
循涇一故城西此以為河連城疑是臨渝縣之故城渝

水南流東屈與一水會世名之曰榘倫水疑即地理
所謂侯水北入渝者也十三州志曰侯水南入渝地理志
盖言自北而南也又西南流注於渝渝水又東南逕一
故城東俗曰女羅城又東逕營邱城西其水東南
入海地理志曰渝水自塞外南入海一水東北出塞
為白狼水又東南流至房縣至於遼魏土地記曰
白狼水下入遼也

思燕佛圖魏書后妃傳立思佛圖於龍城列石立碑

隋

北平郡 隋書舊置平州

盧龍 隋書舊置北平郡領新昌朝鮮二縣後齊

省朝鮮入新昌又省遼西郡并所領海陽縣入肥

如開皇六年又省肥如入新昌十八年改名盧龍大

業初置北平郡有長城有関官有臨渝宮有覆

舟山有碣石有元水盧水涇水閏水龍鮮水臣梁

水有海

遼西柳 隋書舊置營州開皇初置總管府大業初

府廢

柳城 隋書後魏置營州於和龍城領建德冀陽
昌黎遼東樂浪營丘等郡龍城大興永樂帶方
定荒石城廣都武陽襄平新昌平岡柳城富平等
縣後齊唯留建德冀陽二郡永樂帶方龍城大興
等縣其餘並廢開皇元年唯留建德一郡龍城一
縣其餘並廢尋又廢郡改縣為龍山十八年改為
柳城大業初置遼西郡有帶方山秀黎山雞鳴山
松山有渝水白狼水 王世勣傳遼東之役與漢王
並為行軍元帥至柳城遇疾疫而還 虞綽傳

行宮次於柳城縣之臨海頓 李景傳景在北平為
高開道所圍獨守孤城外無守援遼西太守鄧暠
率兵救之遂歸柳城 靺鞨傳渠帥度地稽率其
部來降拜為右光祿大夫居之柳城

臨渝宮 隋書煬帝紀大業十年三月癸亥次臨榆
宮親御戎服禡祭黃帝斬叛軍首以饗鼓
盧龍塞 隋書陰壽傳開皇初高寶寧引突厥攻
圍北平令壽率步騎數萬出盧龍塞以討之
梁文謙傳領武賁郎將為盧龍道軍副

營平二十五年事記卷一
臨渝鎮 隋書突厥傳營州刺史高寶寧作亂沙
鉢畧與之合軍攻陷臨渝鎮

渝關 隋書高祖紀開皇三年三月癸亥城渝關
通鑑注臨渝關在平州盧龍縣東一百八十里新
唐書營州城西四百八十里渝關守捉五代史云
幽州北七百里有渝關下有渝水通海循海有道
狹處纔數尺是所謂臨渝關也宋白續通典曰漢
石城舊縣取碣立如城故以名之唐貞觀十五年
于故臨渝縣城置臨渝縣萬歲通天二年改為石

城今史文多誤作榆 賀婁子幹傳高祖以子幹曉
習邊事授渝關總管十鎮諸軍軍事 高麗傳漢
王諒討高麗魏運不繼師出臨渝關復遇疾疫王
師不振

瀘河鎮 通鑑大業七年帝將討高麗發民夫運米
積於瀘河懷遠二鎮 注新唐志曰隋於營州之境
汝羅故城置遼西郡領遼西瀘河懷遠三縣 隋書
王雄傳出遼東道次瀘河鎮

懷遠鎮 隋書薛世雄傳帝至柳城以世雄為東北

道大使行燕郡太守鎮懷遠 高麗傳高麗遣使

乞降帝許之頓於懷遠鎮受其降款 唐書高祖

紀煬帝征遼東遣高祖督運糧於懷遠鎮 唐書

臨海頓 隨書王雄傳帝令琳於臨海頓別有所督

望海頓 通鑑大業八年勅運黎陽雒口太原等倉穀

何望海頓 注望海頓當在遼西界

黃龍 隋書高祖紀開皇三年行軍總管陰壽破高

寶寧於黃龍 赦黃龍死罪已下 長孫晟傳授晟

車騎將軍出黃龍道齎幣賜奚霫契丹等

白狼塞 隋書于仲文傳詔仲文率兵屯白狼塞以備胡

唐

北平郡 唐書地理志平州北平郡下初治臨渝武德

元年徙盧龍土貢熊羆蔓菁實人參 有府一曰

盧有盧龍軍天寶二年置又有柳城軍永泰元

年置有溫溝白塗西硤石東硤石綠疇米磚長楊

黃花紫蒙白狼昌黎遼西等十二戍受川周爰二鎮

城東北有明珽閑鶻湖城牛尾城 平首貞麟十五

盧龍 唐書地理志中本肥如武德二年更名又置撫

寧縣七年省

石城 唐書地理志中本臨渝武德七年省貞觀十五年復置萬歲通天二年更名有臨渝關一名臨閭關有大海關有碣石山有溫昌鎮

馬城 唐書地理志中古海陽城也開元二十八年置以通水運東北有千金冶城東有茂鄉鎮城

碣石 唐書唐休璟傳休璟以儒者號知兵自碣石踰四鎮其間絲地幾萬里山川夷坦障塞之要皆能言之故行師料敵未嘗敗

渝關

唐書高麗傳帝總飛騎入臨渝關皇太子

迎道左郭英傑傳與裨將吳克勤烏知義羅守忠帥萬騎及奚衆討契丹屯渝關契丹酋長可突干拒戰都山下官軍不利知義守忠引麾下遁去英傑克勤力戰死 契丹傳營州都護許欽澹以州甲五百合奚君長李大酺兵共攻可突干不勝欽澹懼徙軍入榆關 奚傳契丹可突干反脅奚衆并附突厥魯蘇不能制奔榆關 李忠臣傳攻長楊戰獨山襲榆關北平 通鑑後梁均王乾化三

年初幽州七百里有榆關下有榆水通海自關東北
循海有道道狹處纔數尺旁皆亂山高峻不可越北
至進午口舊置八防禦軍募土兵子之田租皆供軍食
不入於薊幽州歲致繒纊以供戰士衣每歲旱獲清
野堅壁以待契丹契丹至輒閉壁不戰俟其去選驍
勇據隘邀之契丹常失利走土兵皆自為田園力戰省
功則賜勲加賞由是契丹不敢輕入寇及周德威為盧
龍節度使恃勇不修邊備遂失渝關之險契丹每
芻牧於營平之間五代史渝關東臨海北有兔耳山覆

舟山皆斗絕並海東北有路狹僅通車其旁地可耕植
唐時置東峽石西峽石綠疇米磚長楊黃花紫蒙白
狼城以扼之宋白續通典渝關城下有渝水入大海其
關東臨海北有兔耳山覆舟山皆斗峻山下循海岸東
北行狹處纔通一軌三面皆海此天所以限戎狄也通鑑注
引金虜節要燕山之地易州西北乃金坡關昌平縣之
西乃居庸關順州之地乃古北口景州之東北乃松亭關
平州之東乃渝關渝關之東乃金人來路也此數關皆
天造地設以分蕃漢之限一夫守之可以當百本朝復

營平二州史事記卷下
燕之役若得諸關門則燕山之境可保然關內之地
平灤營三州自後唐陷於阿保機改平州為遼興
府以營灤二州隸之號為平路至石晉之初耶律德光
又得燕山禮順景薊涿易諸州建燕山為燕京以轄六
郡號燕京路而與平州自成兩路海上議割地但云燕雲
兩路而已初謂燕山路盡得關內之地初不知燕山平州
盡在關內而異路也破遼之後金人復得平州路據之
故幹離不復由平州入寇乃當明時議燕雲不明地
理之故又金虜行程云灤州故無之唐末阿保機攻陷

平營劉守光據幽州暴虐民多亡入虜中乃築此城營
州古柳城郡舜所築也乃殷之孤竹國漢唐遼西地
其城外多大山高下皆石不產草木地當營室故以
為名自營州東至渝關並無保障沃野千里北限大
山重岡複嶺中有五關唯渝關居庸可以通餉饋松
亭金坡古北口止通人馬不可行車其山之南則五穀百果
良材美木無所不有出關未數里則地皆瘠鹵豈天
設此以限華夷乎
漢武其臺 唐書太宗紀貞觀十九年九月戊午次漢武

臺刻石紀功曰太宗時貞觀十六年六月二十七日

西碛石 唐書契丹傳諸將戰西碛石黃麋谷王師敗績
東碛石 唐書王孝傑傳軍至東碛石谷與賊接道隘
虜衆孝傑率銳兵先驅出谷整陣與賊戰而後軍總
管蘇宏暉以其軍退援不至為虜所乘軍潰 契丹傳
武后更詔夏官尚書王孝傑羽林衛將軍蘇宏暉率
兵十七萬討契丹戰東碛石師敗孝傑死之

柳城郡 唐書地理志營州柳城郡上都督府本遼西郡

萬歲通天元年為契丹所陷聖歷二年僑治漁陽開元

五年又還治柳城天寶元年更名土貢人後廢麝香豹尾

骨蝕 有平盧軍開元初置東有鎮安軍本燕郡守

捉城貞元二年為軍城西四百八里有渝閑守捉城

又有汝羅懷遠巫閑襄平四守捉城 唐書宋慶禮

傳初營州郡都督府治柳城扼制奚契丹武后時趙

文翹攻殘其府東更治東治陽城元宗時奚契丹款

附帝欲復治故城宋璟故爭不可獨慶禮執言其利

乃詔輿人子詹平姜師度左驍衛將軍邵宏等為

使築裁三旬畢俄兼營州都督開屯田八十餘所追

拔漁陽淄青沒戶還舊田宅又集商胡立邸肆不
數年倉庫充居人蕃輯

柳城 唐書地理志中西北接奚北接契丹有東北鎮
醫巫閭山祠又東有碣石山

都山 唐書契丹傳可突干盜邊幽州長史薛楚王
等率萬騎及奚擊之戰都山下

摘星山 唐書契丹傳欽德入寇幽州劉仁恭窮師踰
摘星山討之 通鑑作摘星嶺

白狼河 唐書奚傳其地東北接契丹西突厥南白

狼河北土護真河 安祿山傳率河東兵討契丹
至土護真河晝夜行三百里次天門嶺 通鑑注自
雄武軍東北渡灤河有古盧龍鎮有斗陁嶺自
古盧龍北經九荆嶺受米城張洪隘度石嶺至
奚王帳六百里又東北傍土護真河五百里至奚
契丹牙帳又出檀州燕樂縣東北百八十五里至長
城口又北八百里有土護真河奚王牙帳也

紫蒙川 通鑑元宗開元二十二年張守珪出師紫蒙
川大閱以鎮撫之 注據晉書載記秦漢之間東

胡邑於紫蒙之野唐書地理志平州有紫蒙
白狼昌黎等城蓋平州之北境契丹之南界也

如口又入百里亦土實真何吳王不制也
契丹平郡又出對無無無無東北百八十五里至是
契丹平郡又出對無無無無東北百八十五里至是
古書謂大野水降而受水如泉也則契丹平郡至
於平郡東北百里又東北至契丹平郡百里至契
丹平郡真何書外林三百里又入門於 魚鹽土自
白泉阿非土實真何 安新山轉 平郡東



